


30 IANUARIE

**ACATISTUL
SF.MUCENIC
ȘTEFAN
NALIVAIKO
DE LA
KONSTANTINOVKA**



MOSCOVA, 2000



Акафист мученику СТЕФАНУ ГЕНИЧЕСКОМУ

Кондак 1

Избра́нному Господом Иису́сом на подвиг испове́дничества, всечестно́му мученику Стефа́ну похва́льное пение приносим. Ты же, яко предста́й пред Престолом Вседержителя, моли́ся о нас, грешных, почитающих святу́ю па́мять твою́ и зовущих ти: Радуйся, Стефáne, страстоте́рпче Христо́в и моли́твенниче о ду́шах наших.

Икос 1

Ангельскаго жития взыскав, блаженне Стефáne, яко Ангел безплотный на землѣ́ пожил еси; ныне же, от Бога венец́ улу́чив, с Небесными ликостоянии ко Спасу непрестанно мо́лишия о́чтущих тя, взывающих ти си́цевая:

Радуйся, добрый сыне родителей благочестивых.

Радуйся, истинный утвердителю веры православныя.

Радуйся, Церкви изрядный защитниче.

Радуйся, боговенча́нный мучениче.

Радуйся, яко страда́ньми многими не поколебался еси.

Радуйся, яко в покой неболе́зненный возшел еси.

Радуйся, Стефане, страстотерпче Христов и молитвенниче о душа́х наших.

Кондак 2

Ви́дя Господь чистоту́ души́ твоея́ и сердце, любви́ю к Нему́ исполненное, в вере истинней укрепи́ ты, терпеливоду́шне Стефане, да вся страдания́ и гонения́ за Него́ претерпев, спасение́ обря́щеши и вы́ну воспевати́ Ему́ бу́деши: Аллилу́ия.

Икос 2

Разумом́ свы́ше просвещенный, мудрость Христо́ву избра́л еси, яко наставни́цу, в житии́ своем, богомудре Стефане; те́мже ко́зней вражиих избега́я, утверди́л еси́ стопы́ твоя́ на камени́ заповедей Христо́вых. Приими́ же от любви́ серде́ц наших приносима́я тебе́ сия́:

Радуйся, Закона́ Божия́ ревностный исполнителю́.

Радуйся, безумных гонителей Церкви
Православных обличителю.

Радуйся, яко плоды веры в живот вечный
собирал еси.

Радуйся, яко выну в храм Божий устремлялся
еси.

Радуйся, страдания за Христа от безбожных
претерпевый.

Радуйся, за скорби и лишения венец от Бога
приявый.

Радуйся, Стефане, страстотерпче Христов и
молитвенниче о душах наших.

Кондак 3

Силою Вышняго укрепляем, многострадальне
Стефане, скорби многия и лишения различные
мужественно переносил еси, на
Подвигоположника Христа выну взирая и со
усердием Ему поя: Аллилуия.

Икос 3

Имуще душу твою, в горняя устремленную, и
Небесная благая пред очима имый, блаженне
Стефане, все упование твое на Господа
возложил еси и с Ним вечно пребывать вожделе

еси. Те́мже и нас познава́ти Истиннаго Бога научи, да во уми́лении зове́м ти:

Радуйся, всем с верою к тебе притекающим ра́дование.

Радуйся, всех страждущих скорое услышание.

Радуйся, яко лю́тая мучения ни во что́же вменя́л еси.

Радуйся, яко злобу́ челове́ческую любовью́ побежда́л еси.

Радуйся, Еди́наго Христа усердно взыска́вый.

Радуйся, свято́сть жития́ твоего́ мудро́ сокрыва́вый.

Радуйся, Сте́фане, страстоте́рпче Христо́в и моли́твенниче о душа́х наших.

Кондак 4

Бурею христоуби́йства ды́шуще, нечестивии безбожни́цы воздвиго́ша на тя, страстоте́рпче Христо́в, тяжкая́ пре́щения; ты же не убоя́лся еси́ их, оба́че за веру правосла́вную пострада́л еси́, воспе́вая Господе́ви: Аллилу́ия.

Икос 4

Слышаще дивное житие праведнаго Алексия, богомудре Стефане, подражати ему потщася еси, и воистину новый человек Божий явился еси, житие свое венцем страдания украсив. Мы же, прославляя Бога, дивнаго во святых Своих, воспеваем ти:

Радуйся, яко неустрашимый воин Христов показался еси.

Радуйся, яко во вся оружия Божия облёкся еси.

Радуйся, шлёмом спасения главу свою покрывавый.

Радуйся, щито́м веры от ко́зней вражиих себе огражда́вый.

Радуйся, яко в заточе́ниях тяжких благоду́шие сохранял еси.

Радуйся, яко слово истины Христовы пред мучители безбоя́зненно глаго́лал еси.

Радуйся, Стефане, страстотерпче Христов и молитвенниче о душа́х наших.

Кондак 5

Боготѣчною звездою православныя веры явился еси, святы́й новомучениче Стефáne, тьму греховную душ наших просвещающею и к Свету истинному нас направляющею, зовущих о тебе Христу Спасителю: Аллилуия.

Икос 5

Видяще твердое пребывание твое в корабли церковнем, исповедниче святы́й Стефáne, просвещаемся духом, и купно с тобою взираем на Кормчаго – Господа Иисуса, Егоже моли спастися душам нашим, поющим ти сицевая:

Радуйся, дерзновенно Христа Истинным Богом пред всеми исповедавый.

Радуйся, всем спастися хотящим Евангелие Христово безбоязненно проповедавый.

Радуйся, яко раб бдящий Господом обретенный.

Радуйся, яко последователь верный Ему нареченный.

Радуйся, Царствия Небеснаго блаженный сонаследниче.

Радуйся, о людех православных теплый предстателю.

Радуйся, Стефáne, страстотерпче Христов и молитвенниче о душах наших.

Кондак 6

Проповедником спасения явился еси не то́кмо верующим во Христа, но и правителем власти безбожныя, взва́я им: «Обрати́тесь ко Христу с покаянием и возопи́йте Ему: Аллилу́ия».

Икос 6

Воссияв праведностию и благочестием, достойным звания христианскаго был еси, блаженне Стефáne. Мы же, научаяся от тебе возглашати истину и обличати гонителей Церкви Христовы силою Господа Вседержителя, почитаем честна́я страдания твоя и воспеваем ти си́це:

Радуйся, ко́зни лукаваго мужественно препобедивый.

Радуйся, прещéния мучителей ни во что́же вменивый.

Радуйся, яко даже до смерти верным Господеви пребыл еси.

Радуйся, яко славный венценóсец явился еси.

Радуйся, с молитвою в сердце непрестанно пребывавый.

Радуйся, в богопознании ближних своих утверждавый.

Радуйся, Стефане, страстотерпче Христов и молитвенниче о душах наших.

Кондак 7

Хотяй вы́ну со Хри́стом пребы́вати и Небеснаго Царств́ия сонаслѣ́дником бы́ти, страстотерпче Стефане, непоколебим во испове́дании веры пребы́л еси, егда́ понужда́ху тя отрещи́ся от Христа безбожни́цы, не ве́дущии пети́ Ему: Аллилу́ия.

Икос 7

Новаго человека Божия видим в тебе, блаженне Стефане, ты бо скорби, слезы и страдания за Христа безро́потно от нечестивых претерпев, ныне у Престола Божия вечныя жизни наслаждаеши́ся и непрестанно мо́лиши́ся о нас, поющих ти сицевая́:

Радуйся, яко ко́зней вражиих премудро избе́гл еси.

Радуйся, яко ругания мучителей беззлобно переносил еси.

Радуйся, чрез мучения на Небеса возше́дый.

Радуйся, во славе Господеви ныне предстояй.

Радуйся, Церкви Православныя украшение.

Радуйся, безумия мира обличение.

Радуйся, Стефане, страстотерпче Христов и молитвенниче о душах наших.

Кондак 8

Странен мирови был еси, боголюбиве Стефане, славу его во уме́ты вменяя и яко странник и пришлец в нем пребывая, па́че же всего Бога Единого взыску́я и прославляя Его песнию: Аллилуия.

Икос 8

Весь в вышних умом был еси и, Небесная благая пред очами имы́й, над страстьми́ и похотьми́ царствовал еси, Стефане; тех избавитися и нам Господа умоли, поющих тебе сицевая́:

Радуйся, венцем мученическим достойно венча́нный.

Радуйся, в радость Господа твоего вше́дый.

Радуйся, непоколебим во исповѣданіи веры пребывый.

Радуйся, в страданиях лютых терпение в себе явивый.

Радуйся, яко неборима поборника истины Христос ты соверши.

Радуйся, яко по правде твоей воздаяние Бог ти вручи.

Радуйся, Стефане, страстотерпче Христов и молитвенниче о душах наших.

Кондак 9

Всякое естество Ангельское удивися, богомудре Стефане, видя, яко во время безбожных гонений на Церковь Христову испытá ты Господь и верна и бдяща раба ты обрете, вопиющая Ему: Аллилуия.

Икос 9

Ветийства человеческия не возмогут по достоянию воспети вся страдания твоя за Христа, новомучениче Стефане, мы же от любви сердец наших приносим ти глаголы сия:

Радуйся, яко славы от человек не взыскал еси.

Радуйся, яко Господем изрядно просла́влен еси.

Радуйся, к Богу Вышнему о помиловании
непрестанно взыва́ый.

Радуйся, утешение и вспомо́жение от Него
улуча́ый.

Радуйся, душу твою в ру́це Божии преда́ый.

Радуйся, в покой Небесный, яко в землю
обетова́нную, вше́дый.

Радуйся, Стефане, страстотерпче Христов и
молитвенниче о душа́х наших.

Кондак 10

Спасти́ся хотя́ще и в Царствие Небесное вни́ти,
просим тя, мучениче Стефане: на всяком месте
молящих ти ся нас услыши и вся прошения
наша Господеви принеси, вы́ну зовущих Ему:
Аллилуия.

Икос 10

Стена еси непоколебима всем притекающим к
тебе, блаженне Стефане; те́мже и мы усердно
молим тя всякия недуги наша душевныя и
телесныя уврачевати и от сетей вражиих
избавити, со умилением поющих ти:

Радуйся, всяку добродетель ревностно исправивый.

Радуйся, всякое гонение мужественно препобедивый.

Радуйся, яко во свете святых с новомученики ликовствуеши.

Радуйся, яко в вечном Царствии Христовом пребываеши.

Радуйся, в пещи́ искушений Господем сохраненный.

Радуйся, Духом Святым просвещенный.

Радуйся, Стефане, страсотерпче Христов и молитвенниче о душах наших.

Кондак 11

Пение всеуми́ленное приносим тебе, новомучениче Стефане, с Небесе на нас непрестанно взирающему и неустанныя молитвы о спасении нашем Пресвятей Троице возносящему, и, благодаряще Господа о тебе, теплый наш молитвенниче, поем: Аллилуия.

Икос 11

Светом Небесным осия́нна зрим ты,
достохва́льне мучениче, ты бо, яко свети́льник
златоза́рный, на све́щнице церковней све́тиши и
всем спастися хотя́щим путь ко Влады́це Христу
укузу́еши. Сего ради радостно приносим ти
таковая:

Радуйся, яко житие страда́льчески скончавши,
со святы́ми небожи́тели радостно вселился еси.

Радуйся, яко Христа всем сердцем возлюбив,
верен Ему даже до смерти пребыл еси.

Радуйся, яко безбожники гла́дом умучен быв,
ныне пи́щи Небесны́я насыщаешься.

Радуйся, яко Христа пред всеми испове́давый,
ныне от Него славою венчаешься.

Радуйся, скорбящих и страждущих благодатный
уте́шителю.

Радуйся, пред Богом наш милостивый
заступниче.

Радуйся, Стефане, страстотерпче Христов и
молитвенниче о душа́х наших.

Кондак 12

Благодать ве́лия даро́вана тебе, страстотерпче Стефане, молитися Господеви, о́ еже миловати, спасти, просвещати и от всяких бед избавляти чад Церкви Православныя, и́же на Бога все упование свое возлагают и вопиют Ему: Аллилуия.

Икос 12

Поюще Бога, дивно в тебе прославившагося, восхваляем красная дея́ния твоя, Стефане, и му́ченическую кончину твою за Христа, Ему́же с молитвою во устах душу свою пре́дал еси и в чертог Его Небесный победоносно возшел еси. Темже со умилением зовем ти:

Радуйся, истиною Христовою чре́сла своя препоя́савый.

Радуйся, душу твою от мучителей невредиму сохранивый.

Радуйся, яко во всеору́жия Божия одетъ еси.

Радуйся, яко бронёю правды стрелы лукавых врагов отразил еси.

Радуйся, с высоты Небесныя на нас милостивно призира́ющий.

Радуйся, похвалы и моления наша милостивно приемлющий.

Радуйся, Стефане, страстотерпче Христов и молитвенниче о душах наших.

Кондак 13

О преславный угодниче Христов, святой новомучениче Стефане! Приими сие малое хвалебное пение, от любящих сердец наших тебе возносимое, и испроси у Всещедраго Господа и Спаса нашего Иисуса Христа, да милостив будет к немощем нашим, простит нам всякое согрешение и сподобит нас воспевати Ему во Царствии Его: Аллилуия.

(Этот кондак читается трижды, затем икос 1 и кондак 1)



ПОЛНЫЙ АКАФИСТНИК КАНОНИЧЕСКИЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

І

НОВОЕ
* НЕБО